



HÁSKÓLI ÍSLANDS

Doktorsstyrkjasjóður Háskóla Íslands

Doktorsstyrkjasjóður er yfirheiti yfir safn sjóða sem sérstaklega er ætlað að styrkja efnilega stúdentar til doktorsnáms við Háskóla Íslands og efla með því háskólann sem alþjóðlegan rannsóknaháskóla og um leið eftirsóknarverðan kost fyrir doktorsnema.

Doktorsstyrkir verða sem fyrr veittir úr Rannsóknasjóði Háskóla Íslands og Háskólasjóði Eimskipafélags Íslands. Einnig eru auglýstir tveir styrkir sem eru ætlaðir til rannsókna á heilbrigðis- og líftækni, upplýsingatækni og endurnýjanlegri orku. Þessir styrkir eru fjármagnaðir af Vísindagörðum Háskóla Íslands og eru til allt að þriggja ára.

Stúdentar sem uppfylla inntökuskilyrði viðkomandi deildar í doktorsnám og fastráðnir kennarar eða sérfræðingar við Háskóla Íslands, sem ráðnir eru á grundvelli hæfnisdóms og uppfylla þær kröfur sem gerðar eru til leiðbeinenda [í viðmiðum og kröfum um gæði doktorsnáms við Háskóla Íslands](#), geta sótt um styrk til sjóðsins. Sjá einnig [reglur um doktorsstyrkjasjóð Háskóla Íslands](#).

Umsóknarfrestur er til 15. febrúar 2024. Umsókn skal vera á íslensku eða ensku og getur verið af þrennum toga:

- **Leið A:** Stúdent og leiðbeinandi sækja til sjóðsins í sameiningu eftir að doktorsnám er hafið.
- **Leið B:** Leiðbeinandi, sem er akademískur starfsmaður við HÍ og uppfyllir framangreindar kröfur, sækir um án stúdents.
- **Leið C:** Umsækjandi sem hefur ekki hafið doktorsnám sækir til sjóðsins. Umsækjandi skal senda inn umsókn um doktorsnám, sem er að jafnaði unnin í samráði við fyrirhugaðan leiðbeinanda, til viðeigandi fræðasviðs samhliða umsókn um doktorsstyrk.
 - Einnig er óskað eftir því að stúdentar eftir leið C fái tvo fagaðila til þess að senda inn umsögn um gæði rannsókna stúdents og getu viðkomandi til að sinna fyrirhugaðri rannsókn. Æskilegt er að annar umsagnaraðilinn hafi tengst lokaverkefni stúdents í framhaldsnámi á háskólastigi. Umsagnir berist beint frá umsagnaraðilum í PDF formi á tölvupóstfangið rannsoknasjodir@hi.is áður en umsóknarfrestur rennur út.

Umsóknum skal skilað rafrænt. Umsóknareyðublað, reglur um doktorsstyrkjasjóð HÍ, viðmið við úthlutun doktorsstyrkja, leiðbeiningar um útfyllingu eyðublaðs o.fl. [má nálgast hér](#)

Frekari upplýsingar veitir skrifstofa vísinda- og nýsköpunarsviðs rannsoknasjodir@hi.is